

Plaidoyer encounter la faulsa antitesa "teolog - baselgia"

Autor(en): **Derungs, Ursicin**

Objekttyp: **Article**

Zeitschrift: **Igl Ischi : organ della Romania (Societat de Students Romontschs)**

Band (Jahr): **57-58 (1971-1972)**

PDF erstellt am: **21.06.2024**

Persistenter Link: <https://doi.org/10.5169/seals-881784>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

PLAIDOYER ENCUNTER LA FAULSA ANTITESA «TEOLOG – BASELGIA»

Egl Ischi che compara per la davosa gada en quella fuorma, ha il redactur partent, prof. dr. A. Maissen, era reservau in plaz ad in teolog. De quei saiel bien grau, pertgei tier nus ei la pus-seivladad de proponer loialmein sias ideas ordvart pintga. A prof. dr. A. Maissen sincer engraziament per tut!

I.

Il téma «teolog e baselgia» leventa schliatas associaziuns: Ins patratga cuninaga vid combats e malapasch, ed igl ei buca grev de sminar ch'il teolog, zunghegius en quei schema, vegn dotaus culla rolla de disturbader, ferton che la baselgia (era ella zunghegiada en in schema) resta «tarlischonta enamiez la mar spimonta» cfr. Cecilia). Quella antitesa ei faulsa e disgraziada. Ella tschorva. Ils trumpai ein la finala quels che fussen ils pli vengonzs de vegnir numnai «baselgia», avon ch'ils teologs ed avon che la hierarchia: Quels ch'han capiu ch'ins sa viver e murir suandond Jesus de Nazaret. Mo savens fruntan ual ils fervents de quels (muort lur interess religios) el fasch de glisch artificiala de talas simplificaziuns vulgaras e vegnan tschorventai. Auters, forsa meins fervents, surlaian teologs e hierarchia a lur fentas e canialas e formeschan nunconscientamein ina «subcultura cristiana» dedicada a *lur* problems e buca a pseudo-problems della casta sacerdotala.

Denter tals pseudo-problems, ni problems proporzionalmein irrelevant per igl interess practic-actual dils biars, s'auda il celibat legal. El ei in tipic problem de casta. Tgei restass della casta senza quei «distinctivum»? El mument ch'in problem de tala specia vegn proiectaus ella «infanteria» catolica daventa el in pseudo-problem. Aschi lunsch ha C. S. tuttavia raschun, sch'el rispunda ad in de mes artechels schend ch'il pievel catolic seigi unfis de quellas damondas (comp. GR 4. II. 72). Quei ei capeivel, perquei ch'igl ei buca gest de far ord il pievel in tschep de lenna per fender scanatscha renitenta. Mo la gesta remarca critica de C. S. ei atgnamein ina damonda alla casta hierarchica: Sa ella in summa tgirar «problems» che san buca esser d'interess existenzial per l'entira baselgia, senza ch'ei daventi «problems de luxus» (cun quella expressiun de G. Ds., Sz. GR 4. II. 72, saiel tuttavia ir d'accord. Sapienti sat!)? Duess il disgust e desinteress general buca esser expressiun avunda della munconta relevonza dil celibat legal ella baselgia?

II.

Nus havein duvrau l'expressiun «*casta*». Per evitar malentelgientschas: Quella expressiun indichescha in fatg sociologic ed ha en sesezza buc in senn pegiurativ. Mo ella indichescha, ensemen cugl adjectiv «*sacerdotala*» ni «*hierarchica*» in prighel. Da miu manegiar schai la ragisch de bia problems della baselgia el fatg ch'ils «*survients dil plaid*» ein seuni en ina gruppa serrada (*casta*) cun tut ils tratgs specifics d'ina tala: Vestgiu special, lungatg special (latin), distincziun speciala (il schinumnu «*character sacramentalis indelebilis*»; comp. era ils tetels «*sur*» e «*segner pader*» etc.), stil de veta special (celibat), savida speciala (teologia) etc. Tut quellas «*specialitads*» han gidau a zavrar els ord il pievel cumin ed han enzugliu els cul nimbus de sacralitad e nunviolablidad, ed aschia gidau a cementar lur autoritad. Tut quei ei en sesez natural. Il fenomen della «*casta sacerdotala*» ei de cattar en tut las grondas religiuns ed ha segir giu ina valor positiva per la societad. Gnanc dubi era che grondas retschas de spirituals han purtau lur distincziuns cun dignitad e humilitonza en survetsch dils auters. Gnanc dubi era che biars ein grazia a quellas distincziuns de *casta* reussi a tener enta maun il pievel, quei che fuss schiglioc stau onz grev.

Mo uss la damonda: Stat quei veramein ell'intenziun digl evangeli che metta a pèz als giuvnals (encunter la demananza de *casta* dils farisès e dils perderts della scartira) de buca se-schar numnar cul plaid distinctiv «*rabbi*», era buc bab ni magister, perquei che «*vus tuts essas frars*» (Mt 23, 8)? Cu la mumma de Giachen e Gion vuleva per ses fegls enzatgei «*special*», fa Jesus attents ils ses, che quei sistem de parter ils carstgauns en gronds e pigns, seigi enzatgei fetg profan, e che l'unica specialitad ch'el hagi de dar seigi ch'els astgien esser survients de tuts (Mt 20, 24—28). Ton sco jeu pos veser enconuschan ils evangelis buca segns distinctivs per la gruppa dils giuvnals (buca vestgiu special, buca lungatg special, buca savida speciala, buca il celibat legal [sin quei haiel fatg attents ils lecturs della GR pli baul, malgrad las protestas]). Tenor Gion ha Jesus maniau ch'ils ses sedistinguien avunda, sch'els hagian carezia in per l'auter (Gion 13, 35: «*Vida quei duein tuts enconuscher che vus essas mes giuvnals, sche vus carezeis in l'auter*»). E tier Lucas: «*Tgi che porta buca sia crusch e vegn suenter mei, sa buca esser miu giuvnal*» (14, 27). Carezar e purtar la crusch: Quei stat da

tschei maun de tuttas distincziuns denter ils carstgauns; ei spazza confins.

Che la tradiziun apostolica ha capiu il messadi de Jesus en quei senn, muossan buca mo ils loghens gia citai, mobein era sogn Paul che di che la nova situaziun dil cartent enconuschi buca distincziuns denter gediun e pagaun, sclav e liber, um e dunna (sco ellas eran usitadas ella societad de lu). «Vus essas tuts mo in en Jesus Cristus» (Gal 3, 28; era Col 3, 11). Nus savessen aschuntar: En Jesus Cristus dat ei era buca clerus e laics. Paul enconuscha zuar la necessitad e la realitad de differentes survetschs e taliens ella cuminonza. Mo buca igl «esser en Cristus» distingua clerus e laics, mo sulettamein differentes bassegns e survetschs *practics*, duns dai dal Spért Sogn per cuminetel (compareglia la polemica de sogn Paul encunter ils sectaris entusiasts de Corint che vevan mustgas de patertgar en castas: 1 Cor 12). Cun auters plaid: Per *sesezza* ha hierarchia negin senn.

III.

Sche nus schessen ussa che «clericalissem» el senn della «casta sacerdotala» seigi buca enzatgei cristian, lu scandalisassen nus matei bia lecturs; mo ver fuss ei. Quei cunterdi buca al fatg che survetschs specials enteifer ina cuminonza ein necessaris. Mo igl ei survetschs che ual surmuntan barricadas, e sco tals buca specialitads el senn de casta. Con lunsch che quel che vul sespecialisar per in survetsch ella baselgia duei sedistinguer en auters graus (entras savida, vestgiu, celibat etc.) ei ina damonda practica de strategia e politica ecclesiastica, savens ligiadas cun motivaziuns ideologicas, mo buca ina damonda teologica.

Nuncristiana ei la casta sacerdotala en quei mument ch'ella secapescha sco punct gravitont della *baselgia*, sco «baselgia» en in senn particular ni schizun principal, e quei sin fundament de distincziuns sacerdotalas. Tala malcapientscha ei buca mo pusseivla, *ella ei realitad* che stat alla ragisch dils biars problems ecclesiastics ded oz. Sch'ins discuora della collaboraziun dils laics *cun* la baselgia (!), presupponan ins exact ina tala malcapientscha! Sch'ins definescha il laic sco «maun prolunghiu della hierarchia» (aschia in uestg talian sin in congress sur dil laicat ella baselgia), lu san ins ch'il tschep della baselgia ei

hierarchics. El savess, tenor quella idea, maneivel viver era cun haver amputau omisdus mauns. Capeivel che tut quei ch'ei prigus per la hierarchia, vegn teniu per prigus per la baselgia e che la combinaziun «Für Papst und Kirche» ei en scadin cass stringenta.

Ella politica dat ei ina situaziun analoga cu partida regenta e stadi vegnan identificai, ed il jargon de partida daventa ductrina officiala, e quella savens in instrument de pussonza. Transponiu silla «baselgia» eis ei buca grev de lignar tgei ch'ha — tenor quella idea — de star en survetsch a tgi: Il magisteri en survetsch della ductrina, ni la ductrina en survetsch dil magisteri? In maun lava l'auter! Perquei il fenomen sociologicamein natural ch'il sacerdot hierarchic ei era ual teolog (el di tgei ch'ei de crer), ed il teolog sacerdot. Sia ductrina participescha della nunviolabladad de siu stan. Il messadi evangelic vegn tenius a mistregn cun dogmas, e quels stattan sut schurmetg de monuments.

IV.

Precara vegn la situaziun en quei mument che l'identitad denter teolog e sacerdot seslucca, vul dir: cu il teolog ei buca sacerdot, ni il sacerdot buca teolog (el senn dil rom). La differenza crescha oz perquei che ton la practica pastorala sco la scienza teologica ein pretensiusas: Buca mintga teolog ei capavels sco pastur ella practica, e buca mintga pastur sco teolog. Leutier il fenomen dil teolog che suonda buca senz'auter la «lingia de partida». Il monopol doctrinal della hierarchia ei periclitau. (Daco ch'igl ei vegniu aschi lunsch, savein nus buca discutir cheu. Ils ins dian ch'ei seigi malobedientscha, razionalissem etc. Auters manegian ch'ils teologs mo cavien ora veglias verdads e vesien quellas pli exact muort senn historic pli gizzau). Plinavon dat ei il teolog *laic* che fa a priori buca part della casta sacerdotala, ed ha aunc meins interess de semplamein defender quella. Sco in tal che stat ordeifer e sa tuttina enzatgei de teologia, della «scienza misteriusa» della casta, daventa el «prigus». Ina distincziun della casta (savida speciala) maunca, ina pedra ei dada ord la cruna hierarchica.

Tenin nus avon egl ch'il teolog ed il hierarc ein buca necessariamein identics, e vegnin nus pertscharts ch'ins vesa aunc adina ella hierarchia spért e cor della *baselgia*, *lu eis ei*

**Diese Seite stand nicht für die
Digitalisierung zur Verfügung**

**Cette page n'a pas été disponible
pour la numérisation**

**Questa pagina non era a
disposizione di digitalizzazione**

**This page was not available for
digitisation**